

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

1. संसद दा बजट सत्र अज्ज राष्ट्रपति द्रौपदी मुर्मू हुंदे अभिभाषण कन्नै शुरू होग।
2. मुख्यमंत्री उमर अब्दुल्ला होरें आखेआ जे जम्मू कश्मीर गी वैश्विक सतह पर प्रमुख सैलानी थाहर दे तौर पर विकसित करना सरकार दी पैहली तरजीह ऐ।
3. जनजातीय मामले दे मंत्री जावेद अहमद राणा होरें सेना प्रमुख हुंदे कन्नै मलाटी करियै कब्जा रेखा कन्नै लगदे इलाकें च रौहने आले लोकें कन्नै जुड़े दे महत्वपूर्ण मामलें पर चर्चा कीती।
4. पुंछ जिले आली कब्जा रेखा कन्नै लगदे इलाकें च घुसपैठ दी इक कोशश गी नाकाम बनाया गेआ। तपाशी अभियान अजें बी जारी।
5. मुख्य सचिव होरें अमृत 2.0 तैहत जारी कम्में दी प्रगति दी रफ्तार गी बधाने पर जोर पाया।

<><><><><><>

Budget Session

संसद दा बजट इजलास अज्जै थमां शुरू होआ'रदा ऐ। राष्ट्रपति द्रौपदी मुर्मू होर अज्ज दौनें सदनें दी सांझी बैठक गी संबोधन करगन। राष्ट्रपति हुंदे अभिभाषण मगरा खजाना मंत्री निर्मला सीतारमण होर लोकसभा ते राज्यसभा दौनें च आर्थिक सर्वेक्षण पेश करगन। आर्थिक सर्वेक्षण गी पेश करना संसद च बजट सत्र दी आधिकारिक शुरूआत दा प्रतीक ऐ। कल वित्त मंत्री होर केन्द्रीय बजट पेश करगन। लोकसभा ते राज्यसभा च सोमवारें राष्ट्रपति हुंदे अभिभाषण पर धन्नबाद प्रस्ताह पर चर्चा कीती जाग। वित्त विधायक 2005 वक्फ (संशोधन) विधेयक 2024 बैंकिंग कनून विधेयक 2024 ते रेलवे संशोधन विधेयक 2024 सने 16 कनून चर्चा ते पारित होने लेई जांगन। इस बजट गी लेइयै आम लोकें बी खासियां मेदां न।

<><><><><><>

CM-OTM

मुख्यमंत्री उमर अब्दुल्ला होरें आखेआ ऐ जे जम्मू कश्मीर गी सैलसफा आला वैश्विक थाहर बनाना उंदी सरकार दी सारे शा बड्डी प्राथमिकता ऐ। मुख्यमंत्री होरें एह गल्ल मुंबई च होआ'रदे आउट बाउंड ट्रेवल मार्ट

2025 च जम्मू कश्मीर पर्यटन दे पैविलियन दे अपने दौरे दरान आक्ख। मुंबई च होआरदा एह आयोजन 30 जनवरी थमां लेइयै 1 फरवरी तोड़ी चलोग। एह आयोजन वैश्विक प्रदर्शनियां लाने आलें ते खरीददारें गी इक थाहर पर आन्नियै अपने अपने उत्पादें गी प्रदर्शित करने आस्तै इक मंच प्रदान करोग। इस बारे इस कार्यक्रम च 120 टूरिज्म आपरेटर्स हिस्सा लै करदे न। इस मौके पर मुख्यमंत्री होरें पर्यटन मैहकमे गी एह हिदायत दित्ती ऐ जे ओह राष्ट्री ते अंतर्राष्ट्री ट्रैवल मार्टे तगर अपनी पुज्ज गी बधाना तां जे सौलानिएं दी गिनतरी बधी सकै।

<><><><><><>

Tribal Minister

जनजातीय मामलें दे मंत्री जावेद अहमद राणा होरें सेना प्रमुख जनरल उपेन्द्र द्विवेदी हुंदे कन्नै मलाटी कीती। इस मौके जम्मू कश्मीर कन्नै जुड़े दे केई सारे रेखा कन्नै लगदे इलाकें च रौहने आले लोकें कन्नै जुड़े दे मामले पर चर्चा कीती। इस दरान कबजा रेखा कन्नै लगदे इलाके च सुरक्षत आवा-जाई, रिहायशी इलाकें गी सुरक्षत बनाना। घाह चराई आली थाहरें कन्नै जुड़े दे केई सारे मामलें पर चर्चा कीती। राणा होरें बेहतर राबते जेहदे च सीमा सड़क संगठन दियां सड़कां बी शामिल न, गी होर बेहतर करने पर जोर दित्ता। उनें टैरीटोरियल आर्मी च गुज्जर रैजीमेंट कायम करने दा बी सुझाह दित्ता।

<><><><><><>

Javed Dar Cooperayive

सहकारिता मंत्री जावेद अहमद डार होरें जम्मू कश्मीर दे सहकारिता खेत्तर गी मजबूत करने लेई कीती गेदी प्रगति दे कन्नै करसाने ते ग्रामीण समुदाये दे कल्याण लेई कीते गेदे जतनें दा उज्जलेख कीता। जावेद अहमद डार होरें आखेआ जे संयुक्त राष्ट्र संघ नै 2025 गी अंतर्राष्ट्रीय सहकारिता बरा घोषत कीते दा ऐ ते जम्मू कश्मीर बी वैश्विक सतह पर ओहदे विशे सार सहकारिता बेहतर दुनिया दा निर्माण करदा ऐ, लेई वचनबद्ध ऐ।

<><><><><><>

LoC Poonch

सेना नै पुंछ सेक्टर च कब्जा रेखा दे कोल घुसपैठ दी इक कोशश गी नाकाम करी दित्ता ऐ। सेना दे सूत्रें मूजब आतंकवादिएं पाससेआ घुसपैठ दी एह कोशश खड़ी करमारा खेत्तर च पेश आई। सेना गी आतंकवादिएं दी हलचल दा पता लगा ऐ गै दौनें बक्खी दा भारी गोलीबारी शुरू होई गई। इस अभियान दे खत्म होंदे गै सुरक्षा बलें इलाके च तपाशी अभियान चलाया तां जे कुसै बी संभावी खतरे गी टालेआ जाई सकै।

<><><><><><>

CS-Amrut 2-0

मुख्य सचिव अटल डुल्लू होरें केन्द्र शासित प्रदेश स्तरीय दी संचालन समिति दी 6मीं बैठक दी अध्यक्षता कीती। अमृत 2.0 तैहत लग्गी दी बैठक च परियोजनाएं दी अमलावरी ते ओहदी प्रगति दी समीक्षा कीती गई। बैठक गी संबोधित करदे होई मुख्य सचिव होरें अधिकारिणं गी निर्देश दित्ता जे परियोजनाएं दी बकाया पेदी रिपोर्टें गी बनान, उंदे च तेजी आनन ते आवा दी रूकावटें गी दूर करन तां जे सारे कम्म ते परियोजनाएं दी अमलावरी बगैर कुसै रूकावट दे पूरी कीती जाई सकै। अटल डुल्लू होरें जल आपूर्ति ते शैहरी विकास आस्तै सरकार दी प्रतिबद्धता पर जोर पांदे होई अधिकारिणं गी आखेआ जे ओह बक्ख-बक्ख शैहरें दी जरूरतें मताबक गै परियोजनाएं गी लागू करने लेई तरजीह देन।

<><><><><><>

Dogri Lavi Sammelan

जम्मू कश्मीर दी कला संस्कृति ते भाषाएं सरबंधी अकादमी आस्सेआ 76में गणतंत्र दिवस दे सरबंधै च अभिनव थैटर जम्मू च राष्ट्रीय डोगरी कवि सम्मेलन दा सरिस्ता कीता गेआ। इस सम्मेलन च डोगरी साहित्य दे मन्ने परमन्ने दे कविणं हिस्सा लैता। सम्मेलन दी सदरत प्रो. ललित मगोत्रा होरें कीती। इस मौके पर बोलदे होई अकादमी दी सचिव हरविंदर कौर होरें डोगरी भाषा गी बढ़ावा देने गी अकादमी दी वचनबद्धता गी जाहर कीता। इस सम्मेलन च जम्मू, पंजाब ते दिल्ली थमां आए दे केई सारे कविणं हिस्सा लैता।

<><><><><><>

Beekeeping

राई-बाई दी पैदावार ते करसानें दे कल्याण सरबंधी जम्मू मैहकमे आस्सेआ राष्ट्रीय सतह दा भौर पालन ते मखीर मिशन बारे लग्गे दे 2 रोजा सम्मेलन सम्पन्न होई गेआ। एहदा मकसद स्वीट रैव्यूशन गी बढ़ावा देना हा। एहदे च 2 सौ करसानें ते अफसरें हिस्सा लैता। सैमीनार दरान मुख्य करी ध्यार भौर पालन दे तौर तरीके ते मखीर दी पैदावार गी बधाने पर दित्ता गेआ। इस दरान करसानें दी आजीविका गी बेहतर करने, राई बाई ते भौर पालन सरबंधी जतनें गी बधाने पर ध्यान केन्द्रित कीता गेआ।

<><><><><><>

Road Safety

शिड़क सुरक्षा गी बढ़ावा देने दे मकसद कन्नै शिड़क सुरक्षा म्हीने दे हिस्से दे तौर पर वेयर हाउस जम्मू च खास कार्यक्रम दा सरिस्ता कीता गेआ। इस कार्यक्रम दा आयोजन ऑल जेएंडके ट्रांसपोर्ट वेलफेयर एसोसिएशन नै मोटर गडिडएं सरबंधी मैहकमे ते मैडिकल ते सेहत सरबंधी मैहकमे कन्नै रलियै कीता। इस दरान ट्रांसपोर्ट ते आम लोकें गी सेई ते सुरक्षित ढंगे सिर गडिडयां चलाने बारे जानकारी उपलब्ध करोआई गई।